



Broj: 02- /25
Sarajevo: 5. 11. 2025.godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 05-11-2025			
Organizaciona jedinica	Klasifikaciona oznaka	Redni broj	Broj priloga
02-	50-6-	16-17/25	

1055

ДОМ НАРОДА
ПАРЛАМЕНТАРНЕ СКУПШТИНЕ БОСНЕ И ХЕРЦЕГОВИНЕ
n/r predsjedavajućeg

Predmet: Najava usmenog pitanja

Poštovani,

U skladu s članom 155. i 156. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15, 53/16, 71/24 i 44/25), za 17. sjednicu Doma naroda Parlamentarne skupštine Bosne i Hercegovine, koja je zakazana za 6. 11. 2025. godine, najavljujem postavljanje usmenog delegatskog pitanja ministru pravde Bosne i Hercegovine, g. Davoru Bunozi.

U Ministarstvu pravde Bosne i Hercegovine na dan 20.12.2024. godine bile su zaposlene 194 osobe. Od ukupnog broja, 52 osobe odnosno 26,80% državnih službenika i zaposlenika izjasnili su se kao Srbi, **dok je zaposleno čak 62 odnosno 31,95% Hrvata**. Iz reda Ostalih je 5 odnosno 3,12%, a Bošnjaka je **samo 75 odnosno 38,65%**.

Preciznije, Bošnjaka je 22 manje, a Hrvata je više za 32 pozicije odnosno čak 107% više od zakonom utvrđenog broja.

Struktura zaposlenih u Ministarstvu je suprotna članu 7. Zakona o upravi kojim je jasno utvrđeno sljedeće: „U organima uprave osigurava se odgovarajuća nacionalna zastupljenost državnih službenika i zaposlenika u skladu sa nacionalnom strukturom stanovništva, a prema posljednjem popisu stanovništva u Bosni i Hercegovini“.

Ministar Davor Bunoza je, kao rukovodilac institucije, dužan provoditi i poštovati Ustav i zakone Bosne i Hercegovine, kao i odluku Ustavnog suda o proporcionalnoj zastupljenosti konstitutivnih naroda u institucijama Bosne i Hercegovine u predmetu Božo Ljubić, jer citat iz presude glasi: „Pored navedenog, iz naprijed navedenih odredaba Ustava Bosne i Hercegovine slijedi da je **ustavotvorac u institucijama Bosne i Hercegovine uspostavio proporcionalnu zastupljenost** Bošnjaka, Srba i Hrvata kao konstitutivnih naroda“.

Također, **mišljenjem ministra pravde Bariše Čolaka, funkcionera HDZ-e**, broj 08-02-4-2673/13 od 25. marta 2013. godine, u vezi s popunjavanjem zaposlenih u jednoj instituciji na nivou države Bosne i Hercegovine, utvrđeno je sljedeće: „(...) **Prioritetno bi trebalo primati one kandidate koji pripadaju narodu koji nije dovoljno zastupljen u strukturi**

zaposlenika poslodavca. Naravno, može se primati samo onaj kandidat koji ispunjava sve uslove za radno mjesto koje se popunjava”.

Pitanje za ministra pravde g. Davora Bunozu glasi:

Zašto je nacionalna struktura zaposlenih u Ministarstvu pravde Bosne i Hercegovine protivna članu 7. Zakona o upravi i principu proporcionalne zastupljenosti konstitutivnih naroda u institucijama Bosne i Hercegovine i koji su razlozi da u Ministarstvu nije zaposleno 50% Bošnjaka, te da li ministar smatra da nema dovoljno stručnih i obrazovanih Bošnjaka koji bi radili u Ministarstvu i šta ministar namjerava preduzeti da se otkoloni značajan debalans Bošnjaka?

S poštovanjem,

DELEGAT

Džemal Smajić

A handwritten signature in black ink, appearing to read 'Džemal Smajić', with a stylized, cursive script.